



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1558. usque ad annum 1560

Fleury, Claude

August. Vind. [u.a.], 1771

VD18 90118588

§. 84. Aliæ decretorum formulæ postmodum rejectæ.

[urn:nbn:de:hbz:466:1-66800](https://nbn-resolving.org/urn:nbn:de:hbz:466:1-66800)

„etiam illius nomen ad firmandam eo-
 „rum auctoritatem potissimum confe-
 „rat: nulla autem Hæreticorum secta
 „hucusque Ecclesiæ Catholicæ titulum
 „sibi arrogare ausa fuerit., Verum in-
 superhabitis hisce rationibus Senatus
 edictum suum promulgabat.

§. LXXXIV.

*Aliæ decretorum formulæ postmodum
 rejectæ.*

Alia quoque decreta circa officiorum,
 ac rituum mutationem, necnon circa
 omnes Religiosas ædes Regio ærario
 adjudicandas proponebantur: verum
 hæ ipsæ innovationes iisdem subicie-
 bantur oppositionibus, tandemque idem
 cum prioribus decretis fatum subibant:
 nihilominus Senatus, priusquam dis-
 solvebatur, Reginæ amplissima indul-
 gebat subsidia, inter quæ haud imme-
 rito numerari potest jus, vi cuius
 ipsa ex omnibus mercibus pro qualibet
 libra unum solidum, necnon pro quovis
 dolio consuetum vectigal petere poterat,
 ita, ut primum hoc subsidium Elisabethæ
 ad totum regiminis tempus perpetuo
 jure assereretur. Insuper tres adhuc
 novarum legum formulæ proponeban-
 tur, quæ tamen omnes a communis Cu-
 riæ Patribus fuerunt rejectæ. Harum pri-
 ma Senatus Episcopus a Maria Regina ex-
 pulsos

Sæcnl. XVI.
 A.C. 1559.

Burnet l. 3.
 p. 585.

Rapin Thoir.
 Hist. d' Angl.
 t. 6. l. 17.
 p. 158.
 Burnet 594.

Hist. Eccles. Tom. XLIII. L

Sæc. XVI
A.C. 1559.

pulsos suis Sedibus restitui petebat, atque altera Ecclesiasticos sacrilegis connubiis irretitos suis beneficiis rursus esse reddendos proponebat. Tertia denique tres nominandi dicebantur, qui Ecclesiasticas Constitutiones discuterent, easque in unum volumen redigerent. At tamen horum Novatorum consilia effectui minime dabantur: igitur die decima Mensis Maij dissoluto Senatu adulterina reformatio hoc pacto per regij Consilii auctoritatem fuit restaurata, moxque Episcopis, ceterisque Clericis injunctum, ut una omnes convenirent, & jurarent, quod Ecclesiasticum Reginae Primatum agnoscerent, omnem vero potestatem summo Pontifici abnegarent. Id quidem illi exequi omnino recusabant, spe freti, quod tunc si communi consensu sese ejusmodi impietati opponerent, Regina a suo prætenso jure desistere cogeretur, aut saltem omnes Episcopos a Regno suo ejicere minime auderet. Fertur, quod ex novem milibus & quadringentis Ecclesiasticis, qui beneficiis provisi tum in Anglia morabantur, duntaxat quatuordecim Episcopi, duodecim Archidiaconi, quindecim Collegiorum Rectores, quinquaginta Canonici, ac circiter octoginta Parochi fuerint reperti, qui potius suis beneficiis, quam Religionis nuntium mittere

tere parati erant, unde iis regno expulsi Protestantes fuerunt subrogati: plures quoque Monachi ad profanum statum redibant: nonnullæ vero Religiosæ Virgines ad exteras Regiones confugiebant.

Sæc. XVI.
A.C. 1559.

§. LXXXV.

Colloquium pro stabilienda pace in castello Cameracensi habitum.

Interea colloquium pro ineunda pace inter Hispaniæ, & Franciæ Reges Henricum II. & Philippum II. in Abbatia Cercampensi, seu Sercana, quæ in Sanpauliano Comitatu Picardiam, inter & Arthesiam sita est, quidem inchoatum, dein vero ad castellum Cameracense fuit translatum, ita tamen, ut iidem Deputati, qui Sercanis Sessionibus intererant, huic quoque colloquio usque ad Januarii exitum Anni supra millesimum quingentesimi quinquagesimi noni assisterent, eidem negotio insudantes. Denique re hinc inde aliquamdiu agitata die decima sexta Februarii in sequentes conventum erat conditiones. I. Armorum induciæ toto, quo de pace agetur, tempore durabunt, quinimo dissoluto etiam colloquio ad sex adhuc dies protrahentur. II. Ad idem colloquium suos pariter Deputatos decernere, Reginæ sit concessum.

Cobvera
hist. l. 4.
cap. 28.
Recueil des
traites des
paix t. 2.

L 2

His